



文章分享

日期： 2020年6月17日（星期三）
標題： 小別勝新婚

Hello，我係梅儀，即係為公公婆婆報天氣嘅「梅花鹿婆婆」。自2020年1月，2019年冠狀病毒病係香港以至世界各地爆發，有幸地我係雅麗氏何妙齡那打素護養院得到所有員工悉心護理，安全又健康愉快地與其他院友渡過疫情。

今年1月30日開始，護養院暫停家屬探訪，我頓覺孤單，十分掛住丈夫，亦感覺到自己好似與外間隔離！好彩姑娘話可以同丈夫每日用院舍電話進行視像通話，後來丈夫更買咗部新電話俾我，等我可以隨時同佢和朋友視像或WhatsApp通訊，令我開心不少。3月9日，護養院重新准許家屬探訪，可以同丈夫再次見面，真係「小別勝新婚」，開心興奮嘅心情實在難以形容。

今次疫情不單可能係身體層面受到傷害，更直接衝擊每一個人嘅心靈！雖有失落嘅時候，亦有擔心丈夫和親友係唔係身體健康，好咗院舍嘅隔離措施完善，更增加咗唔少院內活動俾所有老友記，例如那打素點心車嘅精緻中式酒樓點心、增添水耕機等，令家人唔駛擔心我。

真係好感激那打素護養院每位員工對我哋老友記嘅愛護同照顧！



馮梅儀婆婆抖擻精神，為公公婆婆報天氣